



PROTOKOL
za organizaciju finalnih odbojkaških turnira
(Kup i takmičenje mladih kategorija)

Sarajevo, jun 2018. godine

PRIJE POČETKA UTAKMICE			
Vrijeme	Opis	Aktivnosti sudija	Aktivnosti klubova
50,00 minuta prije početka turnira		Službena lica finalnih turnira moraju takođe biti u opremi za suđenje i u blizini klubova spremnih za postrojavanje.	Moraju biti u kompletnoj sportskoj opremi van prostora za igru (svi klubovi u trenerkama ili svi klubovi u sportskoj opremi u kojoj će igrati utakmice). Ispred svakog kluba treba da budu pionir-ka u sportskoj opremi ili u narodnoj nošnji (koliko klubova toliko pionir-ka jednoobrazno obučenih). Oni moraju u rukama imati jednoobrazne table na kojima je ispisan naziv kluba ispred kojeg stoji.
45,00 minuta prije početka turnira		Poslije klubova oficijelni spiker predstavlja sudijski kolegiji, koji predvođen pionikom defiluje do predviđenog mjesta na terenu.	Oficijelni spiker po utvrđenom redoslijedu poziva ekipe da izađu na odbojkaški teren (domaćin turnira uvijek izlazi posljednji). Pionir-ka zadužena za klub predvodi klub utvrđenom putanjom do terena i mjesta predviđenog za taj klub. Poslije pionir-ka u koloni ide kapiten kluba, zatim ostali odbojkaši-ice, treneri i na kraju službeni predstavnici kluba. Dok klubovi izlaze na određeno mjesto na terenu, oficijelni spiker predstavlja klub govoreći o njoj historiji, rezultatima i obavezno predstavlja sponzora.

40,00 minuta prije početka turnira		<p>Oficijelni spiker pušta na razglas himnu Bosne i Hercegovine.</p> <p>Službena lica okreću se prema zastavi Bosne i Hercegovine i slušaju himnu.</p>	<p>Oficijelni spiker pušta na razglas himnu Bosne i Hercegovine.</p> <p>Postrojne klubovi okreću se prema zastavi Bosne i Hercegovine i slušaju himnu.</p>
38,00 minuta prije početka turnira			<p>Oficijelni spiker poziva imenom, prezimenom i funkcijom lice koje je ranije od strane domaćina – tehničkog organizatora turnira dogovoreno da otvori turnir (predstavnik opštine, kluba domaćina ili neko treći).</p> <p>Oficijelni spiker je dužan da stvori uslove da lice koje otvara turnir bude okrenuto klubovima, ima mikrofonski ispred sebe (ne može to lice držati mikrofonski), te da se čuje šta govori i vidi.</p>
35,00 minuta prije početka turnira			<p>Klubovi napuštaju prostor za igru na isti način kako su i došli na teren.</p> <p>Dok klubovi napuštaju teren, oficijelni spiker predstavlja takmičenje (kako su klubovi stigli do finala, koje je takmičenje po redu, ko su dosadašnji pobjednici tih takmičenja, sponzore finala i sponzore Saveza).</p>
30,00 minute prije početka turnira		<p>U isto vrijeme na teren izlaze i službena lica delegirana da sude tu utakmicu (od toga trenutka provodi se Protokol za odigravanje odbojkaških utakmica Premijer lige BiH).</p>	<p>Na teren izlaze klubovi žrijebom određeni da igraju prvu utakmicu na turniru, (od toga trenutka provodi se Protokol za odigravanje odbojkaških utakmica Premijer lige BiH).</p>

NAPOMENA:

Protokol otvaranja na isti način se može obaviti i nakon odigrane prve utakmice, ako domaćin uz saglasnost delegata ocijeni da je to adekvatnije zbog većeg prisustva gledalaca ili nekog drugog opravdanog razloga.

03,00 minute po završetku poslijednje utakmice finalnog turnira			Ponavlja se na isti način dio Protokola iz tačke 1.a i 1.b.
10,00 minute po završetku poslijednje utakmice finalnog turnira			Desno do zapisničkog stola stoje tri pionira-ke u sportskoj opremi ili narodnoj nošnji sa ukrašenim tacnama na kojima su medalje. Oficijelni spiker poziva lica koja su ranije u pisanoj formi dostavljena spikeru da uruči priznanja sledećim redoslijedom : <ol style="list-style-type: none">1. nagrada najboljem odbojkašu-ici turnira,2. nagrada pobjedniku turnira ukoliko je ista predviđena na osnovu ponude iz konkursa,3. bronzane medalje4. srebrene medalje5. zlatne medalje6. pehar namijenjen pobjedniku takmičenja

Pehar OS BiH pobjedniku u takmičenju uručuje predsjednik OS BiH (to pravo može prenijeti na drugog predstavnika OS BIH) i tim činom turnir se smatra zatvorenim (nije predviđeno zatvaranje turnira obraćanjem).

NAPOMENA:

- ceremoniji zatvaranja ne prisustvuje četvrtoplasirani klub.
- klub domaćin je dužan 10 dana prije odigravanja turnira dostaviti direktoru takmičenja OS BiH Program organizacije turnira u skladu sa Pravilnikom o takmičenju OS BiH i Prepozicijama takmičenja i ovim protokolom.
- direktor takmičenja OS BiH će 3 dana prije početka turnira obavijestiti klub – tehničkog organizatora o zvaničnim predstavnicima OS BiH na turniru.
- sve utakmice treba da počnu u zakazano vrijeme. Ako se desi da utakmica kasni iz bilo kog razloga, ovaj protokol će početi kada se teren i klubovi spreme za igru. Delegat (vrhovni sudija turnira) će obavijestiti trenere ili zvanične predstavnike klubova o razlozima kašnjenja i početka turnira.

Sastavni dio ovog Protokola je Protokol za dodjelu nagradana i zatvaranja finalnih odbojkaških turnira OS BiH (Kup i takmičenje u mlađim kategorijama).

Nepoštovanje ovog protokola sankcionisat će se u skladu sa Pravilnikom o disciplinskoj odgovornosti, a klub domaćin koji prekrši protokol ne može biti domaćin ni jednog turnira u naredne četiri takmičarske sezone.

PROTOKOL
ZA DODJELU NAGRADA I ZATVARANJE FINALNIH
ODBOJKAŠKIH TURNIRA OS BIH
(KUP I TAKMIČENJE MLADIH KATEGORIJA)

1. UVOD

Ovaj Protokol za dodjelu nagrada i zatvaranje finalnih odbojkaških turnira Odbojkaškog saveza BiH opisuje procedure vezane za takmičenje Kupa BiH i takmičenje mladih kategorija OS BiH.

Tokom ceremonije nagrađivanja i zatvaranja turnira moraju biti prisutni prvoplasirani i drugoplasirani klub u takmičenju Kupa BiH, a u takmičenju mladih kategorija OS BiH i trećeplasirani klub, kao i odbojkaši-ice dobitnici pojedinačnih nagrada.

Ceremonija je podjeljena na dva dijela:

- Dodjela nagrada za najbolje odbojkaše-ice.
- Dodjela nagrada za prvoplasirani i drugoplasirani klub učesnik turnira Kupa BiH.
- Dodjela nagrada za prvoplasirani, drugoplasirani i trećeplasirani klub učesnik turnira mladih kategorija OS BiH.

Samo odbojkaši-ice upisani u Zapisnik i trener klubova imaju pravo prisustvovati ceremoniji dodjele nagrada i zatvaranja turnira. Samo tim osobama uručuju se nagrade tokom ceremonija nagrađivanja. Preostali dio medalja predaje se treneru kluba koji ih kasnije distribuira ostalim članovima kluba. Bilo kakve promjene ili uključivanje drugih osoba u ceremoniju nagrađivanja u isključivoj su nadležnosti delegata-kontrolora utakmice i/ili zvaničnog predstavnika Odbojkaškog saveza BiH na toj utakmici.

Kompletnu ceremoniju dodjele nagrade i zatvaranja turnira vodi oficijelni spiker utakmice/turnira u skladu sa ovim Protokolom.

2. OPREMA POTREBNA ZA PRIPREMU CEREMONIJE DODJELE NAGRADA I ZATVARANJA TURNIRA

- a) Dva podijuma slijedećih dimenzija (obezbjeđuje organizator turnira):
 - Prvi podijum 9,5 m dužine, 0,50 m širine i 0,50 m visine.
 - Drugi podijum 9,5 m dužine, 0,50 m širine i 0,40 m visine.
- b) U slučaju nemogućnosti korištenja podijuma potrebno je obezbijediti tri crvene itison staze minimalnih dimenzija 10 m dužine i 1 m širine (obezbjeđuje organizator turnira).
- c) Kompletan set medalja za ekipe (20 zlatnih i 20 srebrnih medalja). Medalje obezbjeđuje OS BiH.
- d) Dvije „tacne“ na koje će se postaviti medalje za prvoplasiranu i drugoplasiranu ekipu.
- e) Pehar za klub pobjednika turnira (obezbjeđuje OS BiH).
- f) Nagrade za najbolje odbojkaše-ice turnira – obezbjeđuje organizator turnira.
- g) Dvije table sa nazivima prvoplasirani i drugoplasirani klub dimenzija 0,70 m x 0,30 m za svečani defile (obezbjeđuje organizator turnira).

3. OSOBLJE POTREBNO ZA SPROVOĐENJE CEREMONIJE DODJELE NAGRADA I ZATVARANJA TURNIRA

- a) Spiker sa iskustvom u prenosu odbojkaških utakmica.
- b) Predstavnik domaćina turnira koji će preuzeti ulogu voditelja ceremonije i koji će koordinirati kretanje i pozicioniranje osoba uključenih u ceremoniju u skladu sa ovim Protokolom.
- c) Tri hostese koje će nositi „tacne“ sa medaljama i pehar za pobjednika turnira.
- d) Dvije osobe koje će nositi table sa nazivom klubova učesnika u ceremoniji dodjele nagrada i predvoditi iste do mjesta na kojem će se obaviti postrojavanje i dodjela nagrada.
- e) Tehničko osoblje (5 osoba) za pripremu i namještanje opreme za ceremoniju.
- f) Zvanični fotograf.

4. PRIPREMNE AKTIVNOSTI

Tokom finalne utakmice:

- a) Voditelj ceremonije:
 - provjerava da li je sva oprema i osoblje potrebno za sprovođenje ceremonije spremno.
 - Sa hostesama provjerava medalje i pehare.
 - Daje upute osobama koje će uručivati medalje i pehar da se prilikom uručenja nagrada okrenu prema kameri (u slučaju prenosa utakmica putem TV), odnosno prema fotografu.
 - Daje sve potrebne instrukcije spikeru koji će najavljivati i viditi aktivnosti vezane za ceremoniju dodjele nagrada i zatvaranja turnira.
- b) Organizator finalnog turnira obavještava oficijelnog spikera, delegata-kontrolora i zvaničnog predstavnika OS BiH o imenima osoba koje će dodijeliti medalje prvoplasiranom i drugoplasiranom klubu.

Odmah po završetku utakmice:

Onog momenta kada odbojkaši-ice koji su igrali finalnu utakmicu napuste teren;

- a) Spiker traži od gledalaca da ostanu na svojim mjestima tokom perioda pripreme za ceremoniju dodjele nagrada i zatvaranja turnira.
- b) Tehničko osoblje:
 - Demontira i odnosi opremu potrebnu za odigravanje utakmice (stubove, mrežu i sudijsku stolicu).
 - Postavlja podijume ili crvene itison staze u skladu sa nacrtom predstavljenim u ovom Protokolu.

- c) Voditelj ceremonije:
- Provjerava prisustvo svih odbojkaša-ica koji moraju biti obučeni u dresove.
 - Daje instrukcije prvoplasiranom i drugoplasiranom klubu o redosljedu ulaska na teren tokom ceremonije (trener na čelu kolone, iza njega ostali odbojkaši-ice i na kraju kapiten kluba).
 - Daje instrukciju nosačima tabli sa imenom kluba kuda da se kreću tokom predvođenja klubova .
- d) Hostese zauzimaju poziciju uz stol na kojem se nalaze medalje i pehar.

5. ZVANIČNI POČETAK CEREMONIJE

Br.	Početak	Zvanični spiker	Dešavanje
1	Odmah po završetku utakmice	Zvanični spiker najavljuje pripremu za ceremoniju: „Dame i gospodo. Molimo da ostanete na svojim mjestima; ubrzo ćemo započeti sa ceremonijom dodjele nagrada i medalja za prvoplasirani, drugoplasirani i trećepasirani klub u _____ (naziv takmičenja).“	Klubovi odlaze do svojih klupa. Tehničko osoblje namješta opremu za ceremoniju u skladu sa nacrtom predstavljenim u ovom Protokolu.
2			Svi učesnici koji će dodjeljivati nagrade odlaze do zapisničkog stola.
3	Ceremonija započinje odmah kada se sve pripremi i kada su svi učesnici spremni		Svi učesnici koji će dodjeljivati nagrade stupaju na crvenu itison stazu.
4		Zvančni spiker najavljuje početak ceremonije: „Ceremonija dodjele nagrada i zatvaranja _____ (naziv takmičenja) u organizaciji Odbojkaškog saveza BiH i Odbojkašog kluba _____ (klub domaćin tutnira)“.	

5		<p>Spiker najavljuje. „Dame i gospodo sada ćemo predstaviti najboljeg odbojkaša-icu turnira. Za najboljeg odbojkaša-icu proglašen-a je _____ (ime i prezime) iz _____ (ime kluba odbojkaša-ice). Nagradu najboljem odbojkašu-ici će uručiti _____ (ime, prezime i funkcija osobe)“.</p>	<p>Osoba koja uručuje nagradu najboljem odbojkašu-ici u pratnji hostese prilazi centralnom mjestu na podijumu/crvenoj itison stazi i uručuje nagradu.</p> <p>Odbojkaš-ica u pratnji hostese prilazi podijumu/crvenoj itison stazi, prima nagradu i u pratnji hostese odlazi do svog kluba.</p>
6	<p>Odmah nakon ceremonije dodjeljivanja nagrade za najboljeg odbojkaša-icu.</p>	<p>Spiker najavljuje: „Dame i gospodo, sada ćemo započeti sa ceremonijom dodjele nagrada takmičenja prvoplasiranom, drugoplasiranom i trećeplasiranom klubu _____ (naziv takmičenja)“.</p>	<p>Oba kluba su spremni za izlazak prema podijumu /crvenoj itison stazi.</p>
7	<p>Prvoplasirani i drugoplasirani klub korača iza nositelja table na natpisom imena kluba i postrojava se iza podijuma ili na crvenu itison stazu.</p>	<p>Spiker najavljuje slijedeće: „Trećeplasirani klub finalnog turnira _____ (naziv takmičenja) je Odbojkaški klub _____ (ime kluba)“. „Drugoplasirani klub finalnog turnira _____ (naziv takmičenja) je Odbojkaški klub _____ (ime kluba)“. „Prvoplasirani klub finalnog turnira _____ (naziv takmičenja) je Odbojkaški klub _____ (ime kluba)“.</p>	<p>Klubovi ulaze na teren predvođena nositeljom table sa imenom kluba i postrojavaju se iza podijuma ili na crvenu itison stazu.</p>

8		<p>Spiker najavljuje slijedeće: „Dame i gospodo, medalje trećeplasiranom klubu finalnog turnira _____ (naziv takmičenja) uručiće _____ (ime, prezime i funkcija osobe)“.</p> <p>„Dame i gospodo, medalje drugoplasiranom klubu finalnog turnira _____ (naziv takmičenja) uručiće _____ (ime, prezime i funkcija osobe)“.</p> <p>„Dame i gospodo, medalje prvoplasiranom klubu finalnog turnira _____ (naziv takmičenja) uručiće _____ (ime, prezime i funkcija osobe)“.</p> <p>Tokom dodjele medalja spiker najavljuje ime svakog odbojkaša-ice.</p>	<p>Osoba koja uručije bronzane medalje u pratnji hostese prilazi podijumu/crvenoj itison stazi i uručuje nagradu.</p> <p>Osoba koja uručije srebrene medalje u pratnji hostese prilazi podijumu/crvenoj itison stazi i uručuje nagradu.</p> <p>Osoba koja uručije zlatne medalje u pratnji hostese prilazi podijumu/ crvenoj itison stazi i uručuje nagradu.</p>
9		<p>„Dame i gospodo, pehar klubu pobjedniku finalnog turnira _____ (naziv takmičenja) uručiće _____ (ime, prezime i funkcija osobe)“.</p>	<p>Osoba koja uručuje pehar u pratnji hostese prilazi podijumu/ crvenoj itison stazi i uručuje nagradu.</p>

Po završetku ceremonije dodjele nagrada osobe koje su dodjeljivale iste odlaze crvenom itison stazom do zapisničkog stola, a prvoplasirani, drugoplasirani i trećeplasirani klub ostaju da se fotografišu, daju izjave prisutnim medijima. Nakon toga napuštaju teren i odlaze prema svlačionicama.

Prvoplasiranom i drugoplasiranom klubu učesniku finalnih odbojkaških turnira OS BiH (Kup takmičenje) uručuje se:

- Prvoplasiranom klubu: 20 zlatnih medalja i pobjednički pehar.
- Drugoplasiranom klubu: 20 srebrenih medalja.


Prvoplasiranom, drugoplasiranom i trećeplasiranom klubu, učesnicima finalnih odbojkaških turnira OS BiH (mlađe kategorije) uručuje se:

- Prvoplasiranom klubu 20 zlatnih medalja i pobjednički pehar.
- Drugoplasiranom klubu 20 srebrenih medalja.
- Trećeplasiranom klubu 20 bronzanih medalja.

Broj: 01/3-282/18
Datum, 23.06.2018. godine

DIREKTOR TAKMIČENJA
Nikola Košević, s.r.

ZVANIČNI NACRT TERENA ZA CEREMONIJU DODJELE NAGRADA I ZATVARANJA TURNIRA KUPA BiH (OSNOVNA POSTAVKA)



ZVANIČNI NACRT TERENA ZA CEREMONIJU DODJELE NAGRADA I ZATVARANJA TURNIRA MLADIH KATEGORIJA OS BiH (OSNOVNA POSTAVKA)

